

## Communicaziun a las medias

### Mia playlist: Scolars procuran per il program da musica da RTR

Cuira, ils 06-12-2017 – Il december èn scolaras e scolars responsabels durant in'ura l'emna per il program da musica da RTR. Tge musica plascha als giuvens? Quatter classas da las scolas superiuras da Casti, Favugn, Laax e Zuoz han fatg la selecziun da la musica che vegn emessa mintgamai il venderdi tranter las 07:00 a las 08:00 tar il Radio Rumantsch.

Ils scolars e las scolaras han fatg la schelta da lur musica preferida che duai accompagnar tras la damaun marvegl al Radio Rumantsch. La redacziun da musica da RTR plazzescha alura la playlist da las classas durant quatter venderdis al lieu dal program da musica usità. Uschia poi bain capitar ch'ins auda tuttenina AC/DC ubain in u l'auter titel actual da la parada da hits gia la damaun baud. Chanzuns che na cumparan uschiglio betg da questas uras en il program dal Radio Rumantsch.

#### Tge classa preschenta cura lur playlist?

data	classa	lieu
1. da december	2. e 3. secundara	Casti
8. da december	2. e 3. secundara	Zuoz
15. da december	2. classa superiura B	Laax
22. da december	scola superiura	Favugn

#### Ina vasta schelta da musica

L'entschatta ha la segunda e terza classa secundara da Casti fatg. Els han preparà in'ura da musica che porscha ina schelta da musica per giuven e vegl cun blera musica rumantscha. Venderdi, ils 8 da december 2017 preschentan scolaras e scolars da Zuoz, S-chanf, Chapella, La Punt e Cinuos-chel lur musica preferida. Per lur ura da musica han els selecziunà, sut la batgetta dal scolast Adrian Marugg, in repertori variond che cumpiglia da Rap, sur metal asiatic fin tar musica da pop actuala

Dapli da la classa da Zuoz e da lur playlist datti da chattar sin [www.rtr.ch/musica](http://www.rtr.ch/musica).

#### Dapli infurmaziuns

Radiotelevision Svizra Rumantscha, Via da Masans 2, 7000 Cuira  
Tamara Deflorin, scheffa communicaziun, tel. 081 255 75 09, tamara.deflorin@rtr.ch